



Broj: 0101-8659/21

Sarajevo, 10. 9. 2021. godine

POZIV ZA UČEŠĆE NA WEBINARU

„Dobrobit pojedinca u obrazovanju i znanosti/nauci: zdravlje, sigurnost, sreća i prosperitet u visokom obrazovanju”

Online

23. 9. 2021. godine

Poštovani,

zadovoljstvo nam je pozvati Vas na webinar „Dobrobit pojedinca u obrazovanju i znanosti/nauci: zdravlje, sigurnost, sreća i prosperitet u visokom obrazovanju” koji će biti održan **online u srijedu, 23. 9. 2021. godine u periodu od 9 do 14 sati** u organizaciji Univerzitetu u Sarajevu, a u saradnji sa javnim univerzitetima u Bosni i Hercegovini: Univerzitet u Banja Luci, Univerzitet u Bihaću, Univerzitet „Džemal Bijedić“ u Mostaru, Univerzitet u Istočnom Sarajevu, Sveučilište u Mostaru, Univerzitet u Tuzli i Univerzitet u Zenici.

Webinar se organizuje u okviru zajedničkih aktivnosti Komisije za izradu okvira stručnog usavršavanja univerzitetskih nastavnika i saradnika (Programa „TRAIN +) koju je imenovala Rektorska konferencija BiH/Rektorski zbor BiH. Komisiju sačinjavaju predstavnici svih javnih univerziteta u BiH pri čemu je Univerzitet u Sarajevu preuzeo koordinirajuću ulogu u realizaciji zajedničkih aktivnosti. Finansijsku podršku implementaciji aktivnosti omogućila je Fondacija kralja Baudouina iz Belgije. Projektna ideja se zasniva na potrebi da se sistemski osmisli koncept trajnog stručnog usavršavanja univerzitetskog osoblja na univerzitetima u BiH i time doprinese jačanju kvalitete integracijskih procesa u bosansko-hercegovačkom prostoru visokog obrazovanja

Webinar ima za cilj da omogući podršku jačanju kapaciteta akademskog osoblja svih javnih univerziteta u BiH pri čemu se prilikom odabira tema posebno uzeo u obzir značaj osjećaja dobrobiti univerzitetskih nastavnika i saradnika kao važnog fenomena za realizaciju profesionalnih i osobnih uloga zaposlenika/djelatnika u visokom obrazovanju.





U prilogu vam dostavljamo program rada webinara i molimo da registraciju izvršite putem link-a <https://forms.office.com/r/rBaDWGuKi8> ili Scan QR, te popunite registracijsku formu najkasnije do četvrtka, 16. 9. 2021. godine:



Za sva dodatna pitanja vezana za webinar možete se obratiti na e-mail adresu jasmina.gradascevic-pleh@unsa.ba ili na tel. 033 565 123.

S poštovanjem!



REKTOR

Rifat Škrijelj
Prof. dr. Rifat Škrijelj

Prilog: Program rada webinara sa biografijama predavača






PROGRAM RADA

Satnica	Teme
9:00 – 9:30	Uvodno obraćanje <ul style="list-style-type: none">- Prof. dr. Rifat Škrijelj, rektor, Univerzitet u Sarajevu- Dr. Stefan Schäfers, direktor, Fondacija kralja Baudouina- mr. sci. Jasmina Gradašćević-Pleh, koordinatorica TRAIN programa, Univerzitet u Sarajevu
9:30 – 10:30	Tema 1: Psihološki kapital nastavnika u visokom obrazovanju <ul style="list-style-type: none">- Doc. dr. Ivona Čarapina Zovko, Sveučilište u Mostaru
10:30 – 10:45	<i>Pauza</i>
10:45 – 11:45	Tema 2: Komunikacija u univerzitetskoj nastavi kao činilac zdravlja, sigurnosti, sreće i prosperiteta u visokom obrazovanju <ul style="list-style-type: none">- Prof. dr. Branka Kovačević, Univerzitet u Istočnom Sarajevu
11:45 – 12:00	<i>Pauza</i>
12:00 – 13:00	Tema 3: Pokazatelji kvalitete visokoškolske institucije i/ili programa kroz dimenzije inkluzivnosti <ul style="list-style-type: none">- Doc. dr. Šejla Bjelopoljak, Univerzitet u Bihaću
13:00 – 13:15	<i>Pauza</i>
13:15 – 14:00	Razgovor o centralnoj temi webinara <ul style="list-style-type: none">- Prof. dr. Mirjana Mavrak, Univerzitet u Sarajevu Zatvaranje webinara





BIOGRAFIJE PREDAVAČA


Prof. dr. Branka Kovačević

Branka Kovačević rođena je 19. 03. 1974. godine u Sarajevu. Osnovnu školu i Prvu gimnaziju pohađala je u Sarajevu. Odsjek za pedagogiju i psihologiju završila je 1999. godine na Filozofskom fakultetu u Istočnom Sarajevu. Od 2000. godine radi kao asistent na Odsjeku za pedagogiju Filozofskog fakulteta u Istočnom Sarajevu, na predmetima *Istorija pedagogije* i *Didaktika*. U Banjoj Luci, 2000. godine upisuje Postdiplomske studije pedagoških nauka. Branka Kovačević odbranila je magistarski rad 2005. godine. Iste godine izabrana za višeg asistenta na predmetima *Istorija pedagogije* i *Didaktika*, na Filozofskom fakultetu u Palama. Doktorski rad odbranila je 2007. godine u Banjoj Luci, a u zvanje docenta za užu naučnu oblast *Didaktika* izabrana je 2008. godine na Univerzitetu u Istočnom Sarajevu. U zvanje vanrednog profesora izabrana 2013. godine na Filozofskom fakultetu Univerziteta u Istočnom Sarajevu. Branka Kovačević radi u zvanju redovnog profesora (uža naučna oblast *Didaktika*) na Filozofskom fakultetu Univerziteta u Istočnom Sarajevu. Autor je tri naučne monografije (*Interaktivna nastava i moralno vaspitanje učenika*, *Vaspitanje u nastavi* i *Student u savremenoj nastavi*) i preko šezdeset naučnih radova. Oblast interesovanja su nastava i vaspitanje. Učestvovala je u domaćim i međunarodnim projektima i član je redakcije međunarodnih časopisa (*Učenje i nastava*, *European Journal of Education Studie ...*). Od 2017. godine Branka Kovačević je rukovodilac Katedre za pedagogiju Filozofskog fakulteta Univerziteta u Istočnom Sarajevu. Član je Savjeta za visoko obrazovanje Republike Srpske te član Strukovnog vijeća društvenih nauka.

Prof. dr. Mirjana Mavrak

Mirjana Mavrak je studirala i 1987. diplomirala na Odsjeku za pedagogiju i psihologiju Filozofskog fakulteta u Sarajevu, gdje je 1997. odbranila magistarsku tezu *Engleski moderni roman i odgojivost čovjekovog odnosa prema životu*, a 2002. doktorsku disertaciju *Kvaliteta komunikacije među agensima socijalizacije u pedagoškom radu sa zdravom i kronično bolesnom djecom*. Svoje interesiranje usmjerava povezivanju odgojnih znanosti sa širokom lepezom drugih predmetnih područja, posebno umjetnosti, te mikro-razini odgojne djelatnosti stavljajući u fokus komunikaciju s drugim kao matičnu figuru u polju poučavanja. Na Odsjeku za pedagogiju Filozofskog fakulteta u Sarajevu radi u zvanju redovne profesorice za predmete *Andragogija*, *Medicinska pedagogija*, *Pedagogija*, *Temeljna nastavna umijeća* i *Komunikacije u nastavi*. Kroz 35 godina sveučilišnog i radnog iskustva okusila različite uloge: studenta, asistenta i nastavnika, istraživača i znanstvenika, administratora i prodekana, sve do uloge studentskog roditelja. Autorica dvaju priručnika (za predavače u obrazovanju odraslih i za bolničke učitelje), monografije *Biografija kao pripovijest o kreativnom radu u odgojim znanostima*, knjige *Andragoška recepcija književnog teksta*, mnogobrojnih više ili manje bitnih stručnih i znanstvenih radova, koautorica u jednom od sveučilišnih udžbenika iz Pedijatrije, koautorica udžbenika iz Psihologije sa pedagogijom za nastavne profesije, ali prije svega – zahvalna svojim učiteljima i decenijama posvećena obrazovnom i terapijskom radu s ljudima.





Doc. dr. Ivona Čarapina Zovko

Ivona Čarapina Zovko zaposlena je na Studiju psihologije na Filozofskom fakultetu Sveučilišta u Mostaru. Angažirana je na kolegijima iz područja psihologijske metodologije i psihologije rada i organizacijske psihologije. Znanstveni interesi dr. sc. Ivone Čarapina Zovko usmjereni su na razvoj karijere mladih u tranziciji iz obrazovnog sustava na tržište rada, prvenstveno na aktivno traženje posla te psihološke i socijalne posljedice nezaposlenosti. Osim toga interesi su usmjereni na ispitivanje čimbenika odabira zanimanja, kao i psihološke dobrobiti na radnom mjestu s rasvjetljavanjem čimbenika koji narušavaju psihološku dobrobit, pri čemu je najviše usmjerena na stres i sagorijevanje na radnom mjestu. Sudjelovala je na ukupno 31 znanstvenoj konferenciji pretežito međunarodnim. Do sada je objavila devet znanstvenih radova i sudjelovala na znanstvenim i stručnim projektima. Članica je Udruženja psihologa Bosne i Hercegovine, Izvršnog odbora psihologa Bosne i Hercegovine i Europskog udruženja psihologije rada i organizacijske psihologije (EAWOP). Dio svoje profesionalne aktivnosti također obavlja kroz psihoterapeutski rad u studentskom savjetovalištu i privatnoj praksi, u kojem primjenjuje znanja iz kognitivno-bihevioralne psihoterapije

Doc. dr. Šejla Bjelopoljak

Šejla Bjelopoljak, rođena je 30. 6.1984. godine u Bihaću. Po završetku studija se zaposlila kao školski pedagog u JU „Druga osnovna škola“ Bosanska Krupa gdje je radila dvanaest godina. Uz sticanje iskustva u praksi, ponovo se vraća na Filozofski fakultet u Sarajevu, upisuje postdiplomski studij gdje je magistrirala i doktorirala na Odsjeku za pedagogiju. Tokom perioda od 2007-2017. godine napredovala je na Pedagoškom fakultetu u Bihaću do zvanja docenta gdje danas radi i izvodi nastavu na pedagoškoj grupi predmeta. Od 2018. godine je predsjednica kantonalnog aktiva pedagoga i psihologa Unsko-sanskog kantona, te osnivač i i predsjednica Udruženja pedagoga USK-a. U oblasti profesionalnog razvoja nastavnika i stručnih saradnika je održala više certificiranih obuka, a neke od njih su: „Prevenција nasilja, Index inkluzivnosti, Društvena pravda, Asistenti u nastavi, Asistivna tehnologija, Priprema za školu – odgovorno roditeljstvo, HEART – Healing and Education through the Arts, Škola kritičkog mišljenja, Škola vrijednosti, MOVIEQ.“ Zanimaju je različita područja pedagogije, ali je posebno orijentirana na: specijalnu pedagogiju, predškolsku i školsku pedagogiju, didaktiku i metodologiju naučnog istraživanja. Do danas je autor i koautor 20 objavljenih radova, pretežno empirijskog karaktera. Svoj poseban doprinos daje u oblasti ostvarivanja ljudskih prava kroz pedagošku djelatnost. Više puta nagrađena za doprinos razvoju kvalitete obrazovanja baziran na promovisanju vrijednosti i principa društvene pravde.



УНИВЕРЗИТЕТ У БАЊОЈ ЛУЦИ
UNIVERSITY OF BANJA LUKA

